

職方典第一千四百七十九卷

楚雄府部彙考一

楚雄府建置沿革考

通志

本府

戰國滇國地漢屬益州郡晉始置南廣郡屬寧州咸康中置安州尋罷入寧州後爲雜蠻所據
蠻酋築城居之名威楚又名碣祿唐貞觀末諸蠻內附置傍望求丘覽五州屬姚州天寶末爲
蒙氏所據徙銀生節度治之宋時段氏以銀生屬姚州號爲當筋賧後改白鹿部又改威楚部
元憲宗八年置威楚萬戶府至元八年改爲威楚路後置威楚開南等路宣撫司明洪武十五
年改置楚雄府領州二縣五提舉司二

皇清因之康熙八年裁礪嘉縣入南安州領州二縣四提舉司二

楚雄縣

附郭

唐蒙氏爲安州威楚縣後蠻蠻據之宋段氏屬姚州元初置千戶所至元中改置威州仍立富

民淨梁二縣尋降爲威楚縣省二縣入焉明楚雄縣

皇清因之康熙六年裁楚雄衛屯賦併縣

定遠縣

漢越嶠郡地唐置西濮州貞觀中改驪州後沒於蠻獠長築新城曰耐籠宋屬段氏元初置牟州千戶至元中改定遠州仍立南寧縣尋改州爲縣省南寧入焉明定遠縣

皇清因之康熙五年裁定遠所屯賦併縣

廣通縣

唐古路賧地後沒於蠻南詔立爲路賧縣元初置路賧千戶所至元中改廣通縣隸南安州明改屬府

皇清因之

定邊縣

唐濮落蠻地曰南澗宋爲大理舊治所元置定邊縣隸鎮南州至元中省入州明復置縣改屬

府

皇清因之

南安州

唐黑蠻蠻地寨名摩芻宋高氏據元初置摩芻千戶屬威楚萬戶至元中改南安州領廣通縣明以縣隸府

皇清因之康熙八年裁碯嘉縣入焉

鎮南州

漢爲濮落蠻所居川名欠舍中有城曰雞和唐蒙氏置石鼓縣又於沙却地置俗富郡卽今州治宋屬段氏元初置欠舍千戶石鼓百戶至元中改欠舍千戶爲鎮南州置石鼓定邊二縣後省二縣入州明置定邊縣隸府州仍舊

皇清因之

黑鹽井提舉司

漢越嵩境唐初爲西濮州境貞觀中更名髡州訛爲牟州尋沒於獐蠻宋段氏據元初爲牟州境始設官提舉明定遠縣之寶泉鄉設黑井提舉司轄鹽課司二

皇清因之

琅井提舉司

漢越嵩境晉安州境唐初爲西濮州境貞觀中爲髡州境訛爲牟州後沒於獐蠻宋段氏據元初爲牟州境始名琅井設官提舉明爲定遠縣之寶泉鄉設琅井鹽課司分屬安寧井黑井二提舉洪武中開尋閉成化中復開天啟三年裁鹽課司移安寧州提舉於琅井改爲琅井提舉司屬楚雄府

皇清因之

楚雄府疆域圖

元謀縣界

大姚縣界

祿豐縣界

界州明昆

景東府界

姚州界



楚雄府疆域考

通志

本府

東至雲南府祿豐縣界一百五十五里 西至姚安府界一百六十里 南至景東府界

三百里 北至姚安府大姚縣界二百二十五里 由府至省四百二十里 東西廣

三百一十五里南北袤五百二十里

楚雄縣 附郭

東至廣通縣界四十五里 西至鎮南州界五十里 南至南安州界四十五里 北

至定遠縣界四十五里

按府志楚雄府在雲南布政使司西五百二十五里 東二百里至雲南府祿豐縣界

南三百八十里至沅江府界 西二百八十里至景東府界 北一百九十里至姚安府

界 東北三百二十里至武定府界又二十里抵金沙江通會川衛路 東南三百五十

里至雲南府易門縣界 西南四百五十五里至蒙化府界 西北四百五十里至大理

府趙州界 東北達

京師一萬一千二十里

外州縣

定遠縣

東至廣通縣界四十五里

西至鎮南州界二十五里

南至楚雄縣界五十里

北

至大姚縣界一百三十里

按縣志定縣在府治北九十里

東四十五里至安駝交廣通縣密苴橋界

南五十里

至會基關下交楚雄縣水塘哨界

西三十五里至化佛山下交鎮南州石觜界

東南

四十里至大江坡交廣通縣大灣哨界

西南四十五里至羅平關交鎮南州白沙井界

西北四十里至火燒屯交姚州小哨界

東北九十里至阿己哨交元謀縣白沙灘界

廣通縣

東至祿豐縣界八十里

西至楚雄縣界三十里

南至南安州界九十里

北至定

遼縣界八十里

按縣志廣通在府治東七十五里

東七十五里至祿豐縣界

南八十里至南安州界

西三十里至楚雄縣界

北九十里至黑鹽井界

東北九十里至元謀縣界

東南

六十里至易門縣界

西北六十里至定遠縣界

西南五十里至楚雄縣界

東北

至

京師一萬九百四十五里

東西廣百五里南北袤百七十里

定邊縣

東至趙州界二十里

西至蒙化府界七十里

南至景東府界一百二十里

北至

蒙化府界三十里

按府志在府西三百一十里

東三百里至南安州界

南一百一十里至景東府界

西八十里至蒙化府界

北十五里至趙州界

西南一百五十里至雲州界

東北

二百四十里至鎮南州界

由縣至省八百四十里

南安州

東至易門縣界一百四十里 西至楚雄縣界十里 南至景東府界二百五十里

北至楚雄府界五里

按州志在雲南布政使司西五百七十五里楚雄府南五十里 東二百里至易門縣界

南二百里至新平縣界 西三百里至定邊縣界 北十里至楚雄縣界 西南四百

里至景東府界 東北一百五十里至廣通縣界

鎮南州

東至楚雄縣界二十里 西至姚州界九十里 南至景東府界一百八十里 北至

定遠縣界二十里

按府志在府西七十里 東四十里至定遠縣界 南二十五里至楚雄縣界 西一

百里至姚州界 北五十里至姚州界 東南三百五十里至景東府界 西南二百

里至趙州界 西北七十里至大姚縣界 東北二十里至定遠縣界

形勝附

本府

楚維縣附郭

元志威楚當陽之地山川清秀南瞰金齒北距羅婺東接昆若諸郡西連大理最爲大部

岡巒盤鬱林麓迴環東峙響水雄關直扼諸彝之領南控金沙要害實通九郡之衝

按府志諸峯環拱兩川縈迴有隘可守迤西九郡之咽喉會城之屏蔽也 縣居四屬之中

西南袤長密邇江外永盛一帶頗稱奧區

定遠縣

四圍險絕中撫平川斷姚安之臂扼武定之吭獅山前拱龍岡後蟠象峯左峙羊嶺右踰東黑鹽井南合基關西羅平關北連山坡諸處皆極險阻環井層巒四塞一水中分黑井峭壁怒濤中通一線爲滇南財賦之區在定遠縣轄之內

廣通縣

高岡陡澗綿互迴繞外以響水回蹬諸關爲鎖鑰內以羅苴甸爲奧區 西據重關之險東

馳要害之路羅直甸野曠川平樹藝繁密縣治財賦半出其中然地近安南當圖防禦

定邊縣

山川險峻路通順雲蒙景及諸邊夷實滇省西南門戶

東北距總兵坡崇巒峭壁洵稱鳥

道羊腸西接無量山瀾滄江威寶山路通順雲蒙景及者樂甸明時緬甸入寇不由騰永直走定邊蓋以岐路多而幽徑僻遠近策應不及故全滇震動實諸邊之要隘控制百蠻必扼此焉
南安州

山深谷邃二百里外臨江爲嘯聚藪旦夕防禦宜密

二百里外臨江卽爲野賊藪今設重

鎮防守有妥甸雨龍法臘大場蔑架營安郎法戛等哨綿亙四百餘里皆內地之宜防者其險要猶在李海邦漢大石崖五小大羊九等處制流塞源當預籌焉

鎮南州

盤山後峙苴水前濤關隘英武阿雄道適榆姚永順

地鮮平原田非沃壤西有英武之阻

南有阿雄之險雖非四塞雄圖實爲九府要害

楚雄府星野考

府志

府總

天文渙爲井鬼分野天市垣屬西垣第四星周禮保章氏以星土辨封域以分野觀災祥顧其書亡矣而費蔡諸儒之說頗爲足據所謂實沉之次其州曰益是也明崇禎三年癸亥入井鬼其後土司沙定洲反亦一驗也

楚雄府山川考

通志

本府 楚雄縣附郭

鴈塔山在府南城內爲郡學文案

慈烏山在鴈塔東城跨其上

平山在城東三里

凌霄山

天馬山二山俱在府城南十五里許

碧藏山在城西南一百二十里產銀礦

開採權稅名永勝場

九台山在城西南九十里上有九臺曰大本曰廣珠曰甘露曰聚仙

曰大中曰振衣曰寫經曰滿月曰渙蓮凡三十峯

峨嵋山在城西郭外上有石形如屏高

八丈餘驛名本此

鳴鳳山在峨嵋山左蜿蜒起伏環峙十數里相傳蒙氏時有鳳鳴於上

按明通志山下有石石有巨人跡長二丈餘土人以爲神異

文殊山在峨碌山南翠壁峻

贈石泉甘冽上有石泉寺

臥龍岡在城西十里有盤石隙內有物如蟾隱見不常

徽溪山在城西三十里高千尺峯巒疊聳麓有龍王祠按明一統志徽溪山高可千仞峯巒白餘溪筍如之每溪皆有泉分流三十里合流入於臥龍江其溪筍有興雲雨之靈

紫溪山

在徽溪山右樹密峯高上多觀刹爲一郡山水之勝

錦囊山在城北五里

龍泉在城

南鴈塔山下池水澄潔應月而潮弘治中知縣范璋精堪輿謂此水入泮當有中鼎甲者嘉靖丁亥知府祝弘舒遂引入之壬辰庠生李啟東登進士第二甲一名傳臚

鳳泉在慈烏山

麓自地湧出清冽甘香按府志四時不竭注而爲東清壩

擣練溪在城治西三里流泉三

疊清冷如鏡

龍川江源發鎮南州葺力鋪至州南爲白龍河經府城北東北流過定遠至

廣通東南爲大河北流入金沙江

大江在城之南上流卽馬龍河自定邊東南來下流卽

上江河自南安東南去歸元江入南海

定遠縣

獅子山在城南三里環曲如屏按縣志形類獅子有觀音寺山可遠望人多遊樂

會基山

在城南三十里綿亙五十餘里羣峯數十參錯爭奇按明一統志在縣南四十里高可三千仞連亙數百里有五十餘峯羣山之脉皆起於此上有會基關

羊牟泥山在城西四里按縣

志有武侯望子洞

赤石山在城西二十里山多赤石按明一統志林木陰翳延亙二百餘

里其東有泉下流爲零川

化佛山一名自久山在城西三十里方廣四十餘里洞泉深碧

流爲瀑布樹葉落水常有雙翠鳥銜去按縣志天晴亦有雲霞布護相傳有真龍潛焉禱雨輒應近多僧剝頗稱名勝

雲龍山在城西二十里延袤六十餘里一名臥龍山武侯遺跡在

焉黃龍烏龍二山左右匝拱縣之名山也按縣志卽連山坡又名文龍川出其下連山坡餘丁

壩兩哨建於上大姚往來要衝

劉大山在城北二十里山高林密夷人潛伏剽掠明郡守

邵敏縣令陳翽立哨於上行旅至今便焉按縣志路通元謀上立有哨卽今清水河

獨立

山在城東里三十里一名諸葛山形如圓樹下有白石泉按縣志卽磨盤山孔明過此異之掘斷左右以洩王氣

象鼻山在城東五里其東二十五里爲石門山兩巒對峙清夾零川又

東三十里爲玉壁山四峯爭奇皓同鑒雪寶應山南來赴之

龍川江一源出雲龍山左之

斗簪一源出雲龍山右之老虎簪二派合流自縣西北迤邐而南又東折三十里達石門山會

大河過黑井入金沙江

冷泉在會基山清冽甘美

石羊井在縣西五里有石如羊動

之則溢

龍馬池在縣西南二里按縣志舊傳池有龍馬率衆逐之忽失所在遂以爲名

文龍川在雲龍山下

零川又名苴河

茶小溪在縣西十里許

清水河在縣東二

十里又東有苴苗河青場河東北有大基河西有紫甸河南有本土龍河凡六河皆支水也

廣通縣

東山在城東十里前有高登山後有九盤山俱極秀拔按明通志勢若魚躍龍門縣以此爲景和茶山在城南十五里其東卽阿納香山相連互二百餘里

營盤山武侯征孟獲駐兵於

此

鳳山山形如鳳俗傳上有仙羊陰雨初霽彷彿見之以上二山皆在城西二里

回

蹬山在城西十五里相傳閣羅鳳侵雲南至此值雷雨而反按明一統志有關有泉出山之東

爲觀山河

羅苴甸山在城西五十里四山環峙平原沃野一縣物產公輸大半出此

翠屏山在縣西北四十里

龍街洞在城北七十里俗傳洞中常聞笙管聲

蟠龍山在

城北十里有泉甘冽東北接鶴翥山

阿陋雄山在城東北十五里高踰千仞泉水分流按

府志有泉出山西爲羅申河出山南爲阿納河

伏獅山

臥象山

金雞山三山俱

在縣之羅川東南按明通志臥象山有二一在縣羅苴村東南獅象二山拱峙山麓出銀礦一在礪嘉縣東形如象臥元時設千戶所其上清風河在縣東三里發源趙普關達枯木曰

今建橋其上按縣志橋石隙中生樹一株其花艷似杏似梅名梅杏邑人異之

立龍河源

出馬鞍山流至孤山遶縣西定門外

阿陋河源出阿陋井香山流經盤龍山南

關山

河在縣西五里源出赤摩村至元謀縣入金沙江

拾貲河在縣西三十里源出武定東流

南安界至元江入交趾

大河口在縣北三十里源出楚雄春夏水勢洶湧險不可測

羅申河在縣北五十里流經黑井至金沙江

溫泉距縣東南八十里按縣志水極清澈鄉

人往浴可愈風疾

定邊縣